

Headline **Pelajar MSU cipta rekod larian baton tanpa henti**
Date **11 Jan 2010**
MediaTitle **Berita Harian**
Section **Supplement**
Journalist **N/A**
Frequency **Daily**
Circ / Read **192,917 / 1,521,000**

Language **Malay**
Page No **5**
Article Size **377 cm²**
Color **Black/white**
ADValue **5,141**
PRValue **15,423**



Pelajar MSU cipta rekod larian baton tanpa henti

80 sertai MSU Aids Awareness Run 2009 sejauh 2,352 kilometer selama tujuh hari

MANAGEMENT & Science University (MSU) melalui unit Student & Career Development (SCD) meraikan kejayaan pelajar MSU dalam mencipta rekod baru dalam Malaysia Book of Records.

Acara yang dikenali sebagai MSU Aids Awareness Run 2009 ini dijalankan khusus bersempena sambutan Hari Aids Sedunia yang disambut pada setiap 1 Disember setiap tahun. Selain itu ia juga adalah usaha yang dijalankan MSU dalam memberikan kesedaran tentang Aids kepada pelajar khususnya dan masyarakat amnya. Acara ini juga bertujuan membangkitkan kesedaran dikalangan masyarakat mengenai bahayanya AIDS serta kempen yang dijalankan.

MSU Aids Awareness Run 2009 membabitkan penyertaan 80 pelajar MSU dan meliputi larian baton tanpa henti sejauh 2,352 kilometer serta mengambil masa selama 168 jam. Acara larian ini telah bermula pada 10 Disember dan berakhir pada 17 Disember iaitu selama 7 hari 6 malam bertempat di Tasik Shah Alam mencatatkan satu rekod baru dalam Malaysia Book of Records.

Sebelum ini MSU turut terbahit dalam mencipta dan memecahkan beberapa rekod lama dalam Malaysia Book of Records. Antara ak-

tiviti lain pernah dijayakan ialah Rekod Penyusunan Syiling RM1 Terpanjang (518.4 meter), Rekod Kacau Dodol Paling Lama (114 jam), Larian Baton Berganti-Ganti Tanpa Henti (50 jam), Kinabalu Merdeka Challenge: menghasilkan Jalur Gemilang yang berukuran sepanjang 2.3 km untuk direntangkan dari kemuncak ke kaki Gunung Kinabalu, The Longest Non Stop Patriotic Songs Singing Event, Rekod

Menyusun Syiling 1 Sen Berbentuk Riben Aids Terbesar dan banyak lagi.

MSU melalui program-program seperti ini membantu melahirkan golongan pelajar yang mempunyai daya saing yang tinggi dan berketrampilan diri. Ini akan meningkatkan lagi tahap kebolehpasaran (employability) mereka agar sentiasa berada pada tahap yang memuaskan.

Semua program yang dijalankan ini membabitkan pelajar berbilang kaum. Pembabitan ini menunjukkan perpaduan, keakraban dan semangat patriotisme dalam merelisasikan hasrat untuk melaksanakan program ini secara bersama. Selain itu, ia bertujuan untuk menyeimbangkan di antara aktiviti akademik dan ko-kurikulum dan secara tidak langsung akan melahirkan graduan yang berkualiti dan mempunyai nilai 'softskill' yang tinggi.

Majlis ini dirasmikan oleh Prof Dato' Mohd Shukri Ab Yajid, Presiden MSU dan turut dihadiri oleh pegawai kanan MSU serta pelajar.

Headline **Pelajar MSU cipta rekod larian baton tanpa henti**
Date **11 Jan 2010**
MediaTitle **Berita Harian**
Section **Supplement**
Journalist **N/A**
Frequency **Daily**
Circ / Read **192,917 / 1,521,000**

Language **Malay**
Page No **5**
Article Size **377 cm²**
Color **Black/white**
ADValue **5,141**
PRValue **15,423**

FAKTA NOMBOR

**168
jam**

Tempoh larian baton tanpa henti
sejauh 2,352 kilometer dalam
program MSU Aids Awareness
Run 2009 bermula 10 Disember



PELAJAR MSU catat rekod baru cemerlang dalam Malaysia Book of Records.